

SOALAN NO: 55

**PEMBERITAHUAN PERTANYAAN DEWAN RAKYAT
JAWAPAN OLEH YB DATUK SERI DR. S. SUBRAMANIAM
MENTERI KESIHATAN MALAYSIA**

PERTANYAAN : LISAN
DARIPADA : YB PUAN ZURAIDA BINTI KAMARUDDIN
[AMPANG]
TARIKH : 3 OGOS 2017
SOALAN : 55

YB Puan Zuraida Binti Kamaruddin [Ampang] minta **MENTERI KESIHATAN** menyatakan statistik mengenai jumlah pesakit wanita yang menghidapi penyakit kanser payudara dan kanser serviks dari tahun 2010 hingga 2016.

Tuan Yang di-Pertua,

Kanser payudara dan kanser serviks merupakan dua kanser utama di kalangan wanita di Malaysia. Menurut Laporan Registri Kanser Kebangsaan Malaysia 2007-2011, sebanyak 18,206 kes kanser payudara dan 4,352 kes kanser serviks telah dilaporkan untuk tempoh 5 tahun.

Statistik bilangan kes kanser payudara dan kanser serviks yang telah didaftarkan di Jabatan Registri Kanser Kebangsaan untuk tempoh 2010 sehingga 2016 adalah seperti di Jadual 1. Terdapat penurunan tren

bilangan kes bermula dari tahun 2012 sehingga tahun 2016, ini disebabkan aktiviti notifikasi dan pencarian kes di fasiliti kesihatan masih dalam proses pengumpulan dan pengesahan data. Secara keseluruhan terdapat peningkatan kes kanser payudara dan penurunan kes kanser Serviks di Malaysia.

**Jadual 1: Bilangan kes Kanser Payudara dan Kanser Serviks didaftar di Registri Kanser Kebangsaan, 2010-2016
(Kemaskini sehingga 13hb Julai 2017 – unpublished data)**

Tahun	Kanser Payudara	Kanser Serviks
2010	3,778	849
2011	3,834	809
2012	3,472	681
2013	3,370	605
2014	3,062	604
2015	3,112	531
2016	2,715	415
Jumlah	23,343	4,494